



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Ioannis Bugenhagenii Pomerani Annotationes ab ipso iam  
emissæ. In Deuteronomium**

**Bugenhagen, Johannes**

**Basileae**

**VD16 B 9247**

Capvt IX.

**urn:nbn:de:hbz:466:1-36133**



In hoc & sequenti cap. declaratur Saul primus rex in Israël à deo constitutus ex stirpe Iemuni & tribu Benjamin, in quo usq; adeo omnia conueniunt ad regiam dignitatem, ut hic iudicium rationis merito uideatur irridere uerbū dei in Samuele, qui petere regē tam sepe inculcat esse cōtra deum, ut & infra uidebitis. Nam qd' ad externā administrationē regni attinet, ipse fortis & electo corpore præ reliqs Israëlitis, fortis uiri filius est, & spū dei fortificatur, ut liberet populū de manu aduersariorū, ut uidebis. Quod uero ad animū coram deo attinet, modestus siue humilis est, ut uidebis infra in uerbis eius. Nunqd nō filius Iemini & c. & cap. sequēti abscondit se dum queritur. & cap. 15. exprobrat ei Samuel, Nōne cum paruulus esses in oculis tuis, caput in tribubus Israël factus es? & c. Si ista omnia fallūt, ut postea euentus declarat, quando quæso fidemus iudicio nostræ rationis? Iudicia dei nobis timenda sunt, ut in alijs, ita & in constituēdo magistratu, ne dicamus, Si ille factus fuerit princeps aut consul, tunc oīa meliora uidebimus. & c. Orandus est deus ut hic nobis cōsulat, & maxime in principibus ecclesiasticis, id est uerbi dei ministris. Rogate, inquit dominum mehis & c.

Terram

Terrā Zuph, id est in patriam Samuelis. Zuph enim erat atauus Samuelis, significat ergo propè Ramatham uenisse Saulem.

Quia repperi. Non quia populus meruit &c. Clamor supra ca. 7. Et fleuit omnis domus Israël post dominum.

Minima tribu, scilicet iam penè extincta propter scelus in uxorem leuitæ perpetratum, ut uides in fine Iudicum.

Assumens &c.

Et loco & cibo honorat Saulem præ cæteris.

In hac historia uides, quod apud homines est casus, fortuna, prudentia, industria, studium, apud deum esse prouidentiam. Quid enim magis fortuitum potuit uideri quã q. Saul ungitur in regem dum asinas querit, dum uadit consulturus prophetam, cū tamen per hæc deus illum mittat ut ungetur? &c. Ita omnia ad quæ uel sponte agimur uel coacti propellimur, deo agente uel impellente fiunt, siue misericordia ipsius siue iudicio, imò deo sic disponente non ea fiunt quæ uolumus uel ad quæ cogimur, sed longe alia quæ ne cogitauimus quidem aut cogitare potuimus &c.

## CAPVT X.

**C**Apite superiori dicit dominus, Unges eū ducem super populum meū Israël, & hic, Vnixit, inquit, te dominus &c. Primus ergo rex qui iussu dei ungitur in Israël est

o